


望奎縣志

地  
453

地430.175  
41.1  
1-4



望奎縣志序

粵自科舉廢學校興而歷史乃定為專科蓋史也者其文為先朝掌故其義則有褒貶之意存焉故為學者而不讀史則無以感發其志氣執政者而不讀史則何者宜因何者宜革何者宜損何者宜益尤茫乎其無所適從史之為用大矣哉縣志即國史也周禮小史掌邦國之志外史掌四方之志蓋分之則為志合之則為史此韓宣子聘魯所以觀書於太史而知周禮盡在魯也望奎彈丸地耳其初

實為海倫之一屬鎮自民國五年秋奉檄設治越年改縣而余實承其乏焉當斯時凡所謂山川土田戶口食貨以及民情風俗漫無冊籍之可稽幸天時和人事洽得以從容為輶軒之採稍知厓略每欲就平日見聞所及薈萃成書昭示方來以差務殷繁之故不果適值中央修志令下爰聘邑紳摠其事擇其有學行者佐之一凡故老之傳聞與夫文人學士之謳吟胥旁搜而博採之而余亦以公務餘暇相與參酌考訂越年而書成將付梓索序於余余曰



史以信而傳文因事以生吾邑縣志雖失之謏陋不過開  
闢未久尚無特殊事蹟可資掇拾其實因事成文初無所  
假飾於其間余於是有感矣望邑地力厚物產豐得其道  
而治之則生齒之繁衍人文之蔚起風俗之醇良將駕先  
進縣而上之此志一成庶生其間者知某也忠孝某也節  
義可興起而益勵其志官斯土者知何者宜沿何者宜革  
將借鑒而益勤於政載籍之存貽即後人之圭臬其所關  
於為政豈淺鮮哉是為序

中華民國八年三月望奎縣知事浙杭嚴兆霖撰

望奎縣志序

民國六年春

玉書

應望奎第一高等小學校之聘忝膺國

文教職夏四月縣署奉省令編輯望奎縣志以備採入黑龍江通志承縣長嚴公委以編輯之任聞命之下不勝駭懼自念草茅下士畧識之無內不能鎔經鑄史稍窺文字之藩垣外不能遊覽於名山大川以周知天下之事一知半解遂敢與於外史之例乎况望奎二十年前榛莽荒穢考之史乘罔所依據前不見古人後不見來者無以取為

借鑒之資設治僅有三載人民之集聚政治之設施不過畧具規模更無記載之可言乃辭不獲已幸得黎君蔚齋魏君錫武極力贊襄邑紳劉敏齋諸君多方調察始敢敏黽從事夫文明之進化也愈行而愈盛茹毛進而火化火化進而珍錯巢窟進而居室居室進而樓臺蓋無以開其先者則無以善其後望奎甫經設治由此日進不已則將來天時人事之遭遷吏治民風之丕變英雄豪傑之代生忠貞義烈之遞出當必日新月異而歲不同斯志之作也

其亦茹毛巢窟之風而能使之進於火化進於珍錯進於  
居室進於樓臺者固大有人在也然則斯志也或可以為  
後來修志者之一助乎若是則不敢作不能作者自不得  
不作矣因贅數語以誌顛末

中華民國八年三月十五日義縣後學張玉書謹識

凡例

一望奎原係海倫轄境於歷代沿革名稱無從考證識者諒之

一望奎甫經設縣無舊檔可查即各局所亦俱係新設故書內所記皆現在之事於前事有不知其詳者不敢妄為填入以昭核實

一本志所列入者俱經實地調查傳聞失實者概行刪除以免貽譏附會

一本志臚列各事外率附以臆說所以備觀感而資振厲為望奎縣將來之希望文之工拙不計也識者庶原其心而畧其跡

一外交一事為當今之急務惟望奎向無外人僑居亦無交涉案件故付闕如

一本志共為十卷而繁簡不倫蓋有者不能減無者不能增凌亂拉雜紀實而已鄙陋之譏固所難免博雅君子如指而教之不勝切盼之至

修志姓氏

監訂員

代理 望奎縣知事嚴兆霖 澍共

編輯員

望奎第一高等小學校教員張玉書 兆文

協修員

望奎縣公署第二科科长黎迺文 蔚齋

望奎縣勸學所文牘員魏夢齡 錫武

調查員

望奎勸學所所長劉鴻翥 敏齋

望奎第一保衛團團總蕭吉春 潤芳

望奎紳民團文牘員李澤霖 愚容


望奎商務會文牘員王連科 捷民

望奎第一保衛團文牘員徐煥庭 相周

勸學 員寇振武 醒亞

勸學 員于占元 凌雲

紳 紳 紳 紳 紳 書



董王簡書  
秀峯

董張鴻恩

董劉作舟  
海邦

董博多宏武  
介臣

董寇來成  
福堂

董桂全

員趙元志  
心齋

望奎縣志總目

序一

序二

凡例

望奎全境形勢圖

望奎全境井田圖

望奎縣城基圖

卷一

地理志

卷二

政治志


卷三

財政志

卷四

交通志

卷五



學務志

卷六

武事志

卷七

人物志

卷八


禮俗志

卷九

物產志

卷十

藝文志



望奎縣志卷一

地理志目錄

一 疆域

二 山岳


三 河川

四 城鎮鄉



五 氣候

六 祠宇

七 古蹟



# 望奎縣形勢圖



三萬分之一的比例尺



電	大	河	山	廟	渡	橋	村	鎮	縣	縣	圖
線	道	流	脈	宇	口	梁	屯	基	城	界	例





望奎縣志一

地理志

望奎之名數年以前無有也本為海倫南鄉清一統志滿洲源流考俱未專載前清時所謂東拉荒者蓋指通肯克音巴拜柞樹岡各段而言並非望奎一隅也故其沿革漫無稽考現經設治建官設署規畫井然以數千年荒蕪之區一旦而進於文明之域蓋由於土地膏沃人口繁殖物產富饒交通便利故發達之進步有一日千里之勢不可以偏僻之區而忽之也爰作地理畧首疆域次山嶽次河川次城鎮鄉村次氣候次祠宇終系以古蹟焉

一疆域

黑龍江各縣以望奎幅員為最狹乃農產之豐穫恆有為他縣所不及者因土厚水美無石田無斥鹵故地無曠土而收穫獨優且三面距河交通便利苟治理有方將來之興盛可計日而待也

仕德案凡言省城即指黑龍江省城而言以望奎乃  
里龍江省府縣也里龍江三字可刪後仿此

望奎全境南濱呼蘭河

河以南屬綏化縣

東沿克音河

河以東屬綏化縣

西極通肯河

河以西屬青岡縣

北界海倫縣其山鎮曰帽兒其川

曰呼蘭其浸曰烏龍地勢東南高西北下為東西斜長方

形治大五井子

西南至北京二千九百零六里西北至黑龍江省城五百里

縣境起東

經九度十二分訖四十一分北緯四十六度三十八分訖

四十七度一分東西距九十里南北距七十二里面積六

千七百四十九方里

### 二山嶽

望奎縣界地皆高原無大山鎮惟自海倫之布倫山

即小興安嶺

來脈沿克音河西岸岡巒起伏至本境東南

角克音弩敏呼蘭三河交會之處孤峯挺立由克音

航行西望如列翠屏所謂帽兒山者是也較之木蘭

鐵驪各縣之山瞠乎後矣

帽兒山在縣境東六十里東向俯瞰克音河高二十餘丈

長十餘里產柞樹前綏化蠶業公司在山下設分司藉以

飼蠶嗣因秋霜早蠶多凍斃旋即停辦境內各烏龍河皆

發源於此山之西麓

### 三河川

望奎縣界東西南三面皆河也東曰克音河寬十餘  
丈深七八尺為克音段暨海倫東段糧食運入呼蘭河  
之水路由布倫山採伐之木料亦取道於此其法取  
去其枝枒兩端斫巨孔以橫木穿之數十根或數百  
根連為一排上設篙槳放之中流隨波而下謂之放  
排南曰呼蘭河其深闊三倍於克音河帆船汽船每  
當春夏之時往來游泳肩尾相接晝夜不絕西曰通

肯河其流雖細若稍事濬疏亦可通航總之望奎全  
境之交通蓋多資於水利焉

克音河源出布倫山之西南麓西南流經海倫東南境至  
本縣東界至綏化縣雙河鎮與弩敏河會又西南流入於  
呼蘭河

呼蘭河源出布倫山之南麓南流經二郎山之西青頂山  
馬鞍山之東合數小水南流折而西納青頂河馬鞍河呼  
拉庫河於北納小呼蘭河白河拉發河於南經鐵山包納